

पुर्खा दयक तकगु सम्पति, भोगु कला व संस्कृति

पिकाक-भक्तपुर नगरपालिका



स्वपया लोकहवागु बिस्का जात्रा सुरु

नेपाल संवत् १९३९ चिल्लाथ्व/२०७६ वैशाख १/ 2019 April/ ल्या:११, दाँ:१

; Dkfb slo

न्हू दँ २०७६ या भिन्तुना !

बि.सं. २०७५ भौके बिदाकायो २०७६ वल । श्व दाच्छीया दुने ख्वप नगरपालिकां नगर व नगरबासी पिनिगु भिंजुइगु ज्या गुलिसाना व साफुखय् च्वयो तःथें स्पष्ट जु । साफू थें ब्वने जिइक ख्वप नगरपालिकां ज्या सांगु खः । निर्वाचनया इलय् अः त्याक वयो च्वपुं जनप्रतिनिधिपिसं निर्वाचन घोषणापत्र पिब्वयो प्रतिबद्धता व्यक्त यागु छपला छपलायाड ज्या सिधय्क वयो च्वंगु दः । नगरपालिका नगरबासी पिनिगु थःगु हे संस्था खः धाय्गु भावना ब्वलांके बियगुलि जनप्रतिनिधिपुं सफल जूगु दः । ख्वप नगरपालिकां नगर व नगरबासीपिनिगु भिं जुइगु मतिं शिक्षायाता दकले हःनेतयो ज्या साना । मावि तगिं तकया भाला स्थानीय तहखय् वयालिं शिक्षा ऐन दय्क वहे नियमकाथं स्थानीय पाठ्यक्रम दय्क शिक्षक दरबन्दी मिलान याड, शिक्षकपिन्ता विषयगत तालिम बियो उकिया अनुगमननं यात । शिक्षक व विद्यार्थीपिसं थुकिता बांला ताय्गु दः ।

जनताया स्वास्थ्य याता ध्यान तयो ख्वप नपां छँ छँ नर्सिङ सेवा, आधुनिक सुविधा नपांया इमर्जेन्सी सेवा, जनस्वास्थ्य नपां ख्वप अस्पताल दानेगु ज्या न्ह्याके धुंकल । आयुर्वेदिक उपचार सेवा नपां थाय्-थासय् शिविर तयो वयो च्वंगु दः । श्वहे (२०७५) वर्षनिसें मिखाया शल्यक्रिया नं ख्वपय् हे सुरु याय् धुंकगु दः । दांगु, भिंगु, बांलागु स्वास्थ्य सेवा काय्दयो जनतात लयत ।

ख्वप नगरपालिकां कासायाता नं त्वः मफिइकसीं प्राथमिकताय् तयो अन्तर नगर करंते प्रतियोगिता, अन्तर विद्यालय खेलकुद प्रतियोगिता बांलाक क्वचाय्के धुंकगु दः । थुगुसी निसें जिम्नाष्टिक नपां खुगू कासाया मदिकक नियमित प्रशिक्षण बियो च्वंगु दः । हिगुतुं वडाय् अले ख्वप कलेज, ख्वप इञ्जिनियरिङ कलेजेनं व्यायामशाला दय्क ब्यायाम याकेगु व्यवस्थां मचानिसें बुराथेक याय्पिसं न्हिया न्हिं व्यायाम याय् खांगुलिं लयता खानेद ।

नगरपालिकाया ग्वसालय् नियमित सुचुकुचु, सम्पदात ल्हवनेगु व दय्केगु (जीर्णोद्धार व पुनःनिर्माण) तः भ्वखाचां स्यंकगु छँतय्गु पुनःनिर्माण नपां संस्कृति म्वाक तय्गु ज्याखय् नं ख्वप नगरपालिकां तस्कं बांलाक उल्लेखनीय ज्या सड वयो च्वंगु दः ।

नेपःया संविधान व स्थानीय सरकार सञ्चालन ऐन २०७४ या मति (मर्म) व भावना (बिचः) काथं ख्वप नगरपालिकां संघीयताया पूर्ण अभ्यास याड वयो च्वंगु दः । ज्यासाड वयो च्वंगु दः । अले केन्द्रीय सरकारं धःसा कर्मचारी समायोजनया नामे स्थानीय तहखय् कर्मचारी छ्वयो ह्यगु स्वायत्तताया अखः खः । संविधान, कानून व संघीयताया मर्म व भावनाया अखः जुइगु ज्याया विरुद्धे फुककिसिनं विरोध याय्मः । देश वा समाजयाता दथ्वी तयो जनप्रतिनिधिपिसं याड वयो च्वंगु ज्या तस्कं स्यल्ला । डाला काय्बह जू । स्थानीय जनताया ग्वाहालीं विकास निर्माणया हरेक ज्याखय् ख्वप नगरपालिकाया जनप्रतिनिधिपुं सुथां लाय्मः । भक्तपुर नपाया फुककं ज्याखय् रचनात्मक ग्वाहाली याड वयो च्वपुं नगरबासी व देशबासीतय्ता भविष्य नं मदिकक ग्वाहाली याड धाय्गु मति तयो न्हू दँ २०७६ या भिन्तुना !

छ्यपिनिगु नामयं बाज्याया पौ

क्रिश्चिना

तस्कं यो पं छ्य पं
न्हिया न्हियंया लुमन्ति

छमिसं इमेल छ्वयो ह्यगु लिपा लाक च्वंगुलिं धन्दा जुल । छपुं मफुताला जक पीर कायो च्वडा । म्हेग इमेल वडालिं मन तस्कं याउंल ।

छ्हु नेह्नु जिनं म्हां मफयो डाक्टर पिनिगु सल्लाह काथं छँसं आराम कायो च्वडा । नेवति दत वास नयो च्वडागु । अः म्हा याउंल । पिने थय्क चा हिले फत । छँ फुक्क जहान परिवारपुं म्हां फः । फुक्कसिनं छमिगु हे पीर कायो च्वंगु । छपुं छँ गुब्ले वैगु ज्वी दक लॉस्वयो च्वंगु दः । आशायय् मथां ल्याहाँ वै ।

छुं ई (दाँ) हाँतक देशया तःतः हापुं इतिहासकार व च्वमि पुं म्दैबले डाक्टर, इञ्जिनियर व व्यापारी काय्मह्याय्पिसं थः व्वाया पासापिन्ता धाडगु हँ - कका अब्वां त्वःत वान । वयकं मुड तकगु साफु व पत्रपत्रिका नेक्व क्वथा जाय्क दःनि । अजगु साफु व पत्र-पत्रिका जिमिसं म्बवडा । ब्वने मःसि नं मव । व साफूत गनां बियगु थाय् दःसा बियमाला । बरु साफु ल्हय्यता ज्याला मःसा जिमिसं हे बिय । व नेक्व क्वथाय् मन् तय् दःसा लच्छीया (२० हजार) नीद्व ल्याखं दाच्छीया (२ लाख २४ हजार) नेगू लाख व नीप्यदा दां वड ।

न्ह्याथाय् नं धेबाजक खानिपुं अले चां न्हिं धेबाखयजक व्वाक जुडपुं, धेबां जीवन लाड जुडपुं बुद्धिजीवी काय् म्ह्याय् पिनिगु खाँ न्यड छ्म्हा मन् वयो भ्नीके ग्वाहाली फ्वन । प्रदेश सरकारं छगू अभिलेखालय दय्किगु सम्भावनाया खाँ काड उम्हा पासायाता लिता छ्वया ।

छुं ई न्ह्यौं नेपाली साहित्यया पुलांगु साफु, पत्र-पत्रिका, चिट्ठी-पत्र, थी थी रचना व समालोचना साहित्यया सङ्कलन, पारखी च्वमि व अनुसन्धानकर्ता शिव रेग्मी (सन् १९९८-२०७५) संसार त्वःत भ्नाल । गुकिं नेपाली साहित्यया अनुरागी व साहित्ययापुं मर्मज्ञपिसं तस्कं नुगः मछिंकल । छ्म्हा सरल, तस्कं मेहनती अले दुनुगलं निसँ नेपाली भाय् व साहित्यया सेवा याड्म्हा मन् मरुगुलिं फुक्कसिनं नुगःमछिंकल । थः मदय् हाँ हे वय्कलं छुं छुं साफु व पत्रपत्रिका थी थी पिकाक (प्रकाशक) व साफू कुथिता लः ल्हाड भःगु खः ।

छुं ई न्ह्यो वय्कया म्ह्याय् मय्जुनं साहित्य मंदम्हा

अनुरागी धाय्गु खाँ न्यडा । शिवजीया साफूकुथि आनाहे दैगु धःगु खाँ न्यडा । व्यक्ति स्वयो संस्था ताःईतक ल्यं दैगु स्थायी जुडगु धाय्गु खाँ खं राज्यं, सरकारं थःजगु विषय बिचःयाड संवेदनशील जुयमःगु खः । हिलमाल स्वयो ज्या सानेमःगु खः । तर अथे जुयो च्वंगु खाने मरु ।

शिव रेग्मी मरुगु छ्हु नेह्नु लिपा हे छ्म्हा नांदांम्हा लोकंहवाम्हा साहित्यकार, भाषा व व्याकरणया मदिसँ मालेज्या याड दीम्हा अथक अन्वेषक अले इतिहासकार भर्खावादया छ्म्हा निस्वानामि (प्रवर्तक) प्राध्यापक नपां प्राज्ञ बालकृष्ण पोखरेल थव संसार त्वःत भ्नाल । वय्कलं हिमालपाने बराल, केकेमनुक्च्यो, (सानो काले), लक्ष्मी विलास पाध्या, रूपाबासी थी थी (कुनां) उपनां तयो च्वसु च्वयो दी । सन् १९९० खय् बुःम्हा बालकृष्ण पोखरेल ११ फागुन २०७५ खुनुं ८६ दाँया बैसे मंत । वय्क २००८ साल पाखे उब्बेया कम्युनिष्ट पार्टीखय् द्रहँ भ्नाल । बि.सं. २०१२-१४ सालपाखे संशोधनवादी नेतृत्व हाबी जुयालिं वयकं पार्टी राजीनामा बियो दिल । वय्क नपां बल्लभमणि दाहाल, तारानाथ शर्मा, चुडामणि रेग्मी भर्खावादया न्हयलुवापुं खः । न्यने दः काथं हिन्दी भाय्ता नेपःया राष्ट्रिय भाय् दय्केमाला दक मनमोहन अधिकारी प्रस्ताव तःगुया विरुद्धय वयकं थःगु बिचः तसेलिं जूगु विवाद नपां बालकृष्ण पोखरेल कम्युनिष्ट पार्टी अलगग जुयो दिल ।

छ्य भाजु अमर व छ्यमय्जु अमृता

नेपःया ल्यासे ल्याम्हो पिन्ता अनेक त्वह तयो वह माय्केगु नामय् विदेशी छ्वय्गु नीति कांग्रेस सरकारं दय्कगुलिं २०/२५ दाँया दुने ७० लाख ल्यासे ल्याम्होत विदेशे वान । उकि गना गुलि सीता ल्याचा हे मरु । न्हिं नेम्हा पेम्हा सीपुं मनूया लाश भ्नीगु देशे द्रहँ वयो च्वंगु दः । काय् म्ह्याय्पुं विदेशेसं च्वड ल्याहाँ मवगुलिं गुलिं च्वमि, कवि, कलाकारपिन्ता बिचः याडपुं, स्वडपुंतक मरु । निसन्तानया अनुभव याड च्वंगु दः । थजगु इलय् संघीय सरकार व प्रदेश सरकारं च्वमि, कवि, कलाकारपुं स्वडगु, बिचः याडगु 'आदर निकेतन' दय्के मः । थथे याःसा वय्क पिनिगु मन च्वजाड बांलाड ।

थौं याता थुलिहे धायो बाय् । सुभाय् ।

न्ह्याब्लें माया याड्म्हा बाज्या

(सं. श्रमिक साप्ताहिक २०७५ फागुन २५ पाखें ल्ह्यो कायागु)

आधारपत्र पुँजीवादता बल्लाकिगु छगू (वास) लाँपु

जक खः – स्वप नगर प्रमुख सुनिल प्रजापति

हिंडाकगू योजनाया आधारपत्रया मस्यौदाया विषयसं सल्लाबल्लायायगु दक ग्वसः ग्वगुलिं राष्ट्रिय योजना आयोगता सुभाय् देछायो च्वडा ।

सरकारं 'समृद्ध नेपाल सुखी नेपाली' अथे धायगु फुक्क लागाय् तःमिगु नेपः अले सुखी नेपःमिपुं दय्केगु मतिं थुगु नारा पिब्वगु खः । थुगु नारा पूर्वाक्या नितिं हे आयोगं उगु आधारपत्र पिब्वगुया मू उद्देश्य जुयमः । नारा तस्कं न्यने हाँपु । अथेयां नाराजक बियां ज्या जुइमखु । खाँ डःथें ज्या नं डःसा जक बांला जुइ । खाँ जक डाय्क नाय्खिं च्वय्केगु ज्या पञ्चायतकाले नं मजुगु मखु । विकासया मूल तछ्याड हय्गु नेपःयाता एसियाली मापदण्डे (अमि सरहे) थ्यंकेगु थी थी सः पिज्वय्कगु खः । नारा श्वकगु खः । तर खाँ बांचा लक्षण क्वँचापुं पञ्च तय्सं द्यो डथाय् वः वय्के मफः । नारा काथंया ज्याया नीति दय्के मफःसा आजुइ थेंके फैमखु ।

अःभ्नीगु देशे समाजवाद उन्मुख (समाजवादी देशे थें) राज्य जक क्वःछिडा । वहे काथंया संविधान दय्का, च्वया । भ्नी फुक्कसिं समाजवादयायगु हे खाँ ल्हाड च्वडा । तर न्ह्यस दाँ वइ-समाजवाद धायगु छु ? समाजवादया अर्थ छु ? गजगु समाजवाद बी.पी. यायगु समाजवाद लाः हिटलर यायगु समाजवाद वा कार्ल मार्क्स व एगोल्सं कम्युनिष्ट घोषणापत्रखे च्वयो द्यगु काथंया वैज्ञानिक समाजवाद ला ? थुकि सरकार स्पष्ट जुयमः अले जनताता स्पष्ट कानेमः । आधारपत्र थुथाके लाक अलमल जगू खाने दः ।

वैज्ञानिक समाजवादया अर्थ उत्पादनया मुख्य मुख्य साधन त सामाजिकीकरण (आनाया समाजयाय् पिनिगु) व राष्ट्रियकरण (राष्ट्रयायगु) खः । अले छम्हा मन् यायगु नामे वा निजीकरण यायगुया अर्थ पुँजीवाद हे खः । गुम्हासिं समाजवादया खां ल्हाड व उत्पादन याइगु साधनत, कल-कारखाना, उद्योग-धन्दा, बैंक, यातायात, छसिकाथं सामाजिकीकरण यायां वानेगु नीति कायमः । नारा काथंया आजुइ थेंकेगु खःसा वा संविधानया मति काथं हज्यायगु खःसा च्वय् धायथें ज्या यायगुया विकल्प मरु । वहे



आजुइ थ्यनिगु बांलागु लाँपु खः ।

थौं आधारपत्रयायगु बःचा हाकगु विवरण थाना प्रस्तुत याड दिल उकि सार्वजनिक-निजी व सरकारी (PPP) ता बःबियो तःगु खाने दः । सार्वजनिक लागाय् (३९ प्रतिशत) स्वीगुब्वः, निजी क्षेत्र (५५.५ प्रतिशत) डय्डाब्वःत्या, व सरकारी क्षेत्र (५.५ प्रतिशत) डाब्वःत्या क्यड तःगु खाने दः । निजी लागाय् अप्वः लगानी

यायां वानेगु खःसा उगू लाँपु भ्नी गुब्लें हे समाजवादे थ्यनिमखु । निजी याता अप्वः कःघाड वानेगुया अर्थ पुँजीवादया लाँपु ज्वड हज्यायगु खः । पुँजीवादया च्वकाय् थेंकेगु आजु जक खः ।

पुँजीवादता ब्यकुंच्याड हज्यायगुया अर्थ समाजवादया लाँपु त्वः फिइकेगु खः । उगु लाँपु भ्नी गुब्लें हे समाजवादे थ्यंके फैमखु । उकिं श्व प्रस्तुत जगू आधारपत्र पुँजीवादता बल्लाकेगु वास जक खः । लाँपु जक खः ।

चुनावया इलय् सिंह दरबारया अधिकार अः गां-गामे थ्यंक वइजक नाय्खिं च्वय्कल । अः व्यवहारं अथे मक्यं । थुकिया सबः जनतां काय्खांगु मरु । सिंहदरवारया अधिकार अःवयो प्रदेशतकजक ह्यो त्वनेगु घच्यापुगु कासा म्हेते तांगु दः । संघीयताया अर्थ अधिकारया विकेन्द्रीकरण (अधिकार इड बियगु) खः । थःथःगु थासय् सुयागुं ख्या च्व मदय्क स्वतन्त्र काथं सुनं क्वः मत्यय्कसिं ज्या साने दैगु अधिकार खः । अथे खयानं स्थानीय तहख्य् केन्द्र सरकारं म्वः मरुपुं कर्मचारीत छव्यो ह्यो स्थानीय तहया अधिकार व संविधानया मतियाता क्वतेले तांगु दः । लाक काय् तांगु दः । इलय् हे कानुन मद्यकसिं हुकुम जक बियो स्थानीय तहता कजेयाय्तांगु म्हेगया पञ्चायत पारा हे खः । संघीयता व संविधानया मतिया अखः हे खः ।

(२०७५ चैत १५ व १६ गते प्रमं केपी ओलीया नायोलय् क्वचःगु राष्ट्रिय विकास परिषदया बैठके हिंडाकगू योजनाया आधारपत्रया मस्यौदा ख्य् सैद्धान्तिक खँ या सल्लाबल्ला ज्या भ्वःसं स्वप नगरप्रमुख सुनिल प्रजापतिजुं बियो द्यगु न्वचुया सार)

सामयिक विषयखय् नेमकिपाया नेगू वक्तव्य

यें, नेपाल मजदुर किसान पार्टी चैत्र १९ गते सोमबार राष्ट्रिय व अन्तर्राष्ट्रिय विषयखय् नेगू थी थी वक्तव्य पिब्वत । पार्टीया छ्याञ्जे प्रेम सुवालजुं जारी याड् द्यूगु वक्तव्यया पूर्ण विवरण थथे दः ।

पीडित जनतातय्ता राहत व पुनःस्थापना मथां याय्गु माग-

नेपःया मसें (तराई) या बारा व पर्सा जिल्लाय् २०७५ चैत १७ गते आइतबार सनिलय् वगु धाकुफय् (गवःफय) नपां वःफय् नपां प्वँगाड् तस्कं क्षति जूगु थाय् बाराया पुरैनिया, परशुरामपुर, भखलिया, पतौरा, मभौलिया, तेलागाई, भलुही, क्वै स्वर्ग, तेलकुवा, हर्दिया, धर्मनगर नपां मेमेगु थासेन याड् ३१ म्हा स्वयो अप्वः मनु सीगु ६०० म्हा स्वयो अप्वः घाइते जूगु, प्यस-डासखा छँ दुगु नपां बालीनाली अपलं स्यंकबिल । उगू विपद्रुति नेमकिपा बिचः हाय्क च्वडा, दुःख जुयो च्वंपु परिवारया जःपिन्ता बिचःहायक घःपः जूपिनिगु मथां स्वास्थ्य लाभ जुयमः धाय्गु कामना याडा ।



अकाभकां वगु उगु धाकुफसं लाँय दिक् तःगु २५ गःबस व ट्रक माकपुड्क ब्यूगुलिं चैनपुरे अपलं घःपः जूगु थाय्थासे लाँसिथय् थड् तःगु बिजुलीया लट्टा, सिमा क्वदलेवं घाइतेपिन्ता उदारयाय्ता नपां तस्कं थाकुगु नपां वः फय् व प्वँ दायो बालीनाली फुक्कं स्यंक ब्यूगुलिं सकल नेपःमि पिनिगु मन ख्वःगु दः ।

सड्कटया थुगु इलय् वः फय् व प्वँदायो तस्कं दुःख जुयो च्वंपु पीडित जनतातय्गु फछिंफक्व मथां उद्धार, उपचार, राहत व च्वनेगु थाय्या पुनःस्थापनाया ज्या मनबियो सानेया लागिं सरकारया ध्यानाकर्षण याय् ।

प्रजग कोरियाली दूतावासे यागु हमलायाता (कुंखिय) भर्त्सना

वांगु फागुन १० गते स्पेने च्वंगु प्रजग कोरियाया राजदूतावासे संयुक्त राज्य अमेरिकाया संघीय गुप्तचर

विभाग (एफबीआई) व स्पेने च्वंपु प्रजग कोरियाविरोधी फासीवादी सशस्त्र समूह द्रहँ वाड् सञ्चार साधन चफुड् तछ्याड् दूतावासया राजदूत व मेमेपुं कर्मचारीतयुता दायोक्यो तस्कं यातना ब्यूगु घृणित ज्या प्रजग कोरियाया सार्वभौमिकताय् हे क्व त्यःगु खः हमला खः । थ्व अन्तर्राष्ट्रिय कानुनयाता हाचां गःयो यागु निन्दनीय ज्याखः । हलिमय्या गुगुनं देशे याड्गु अजगु ज्या सहयाय् मफैगु ज्या खः । नेमकिपां संरा अमेरिकाया संघीय गुप्तचर विभाग (एफबीआई) व स्पेने च्वंगु प्रजग कोरियाविरोधी फासीवादी सशस्त्र

समूह (पुचः) पाखें जूगु उगु आक्रमणया विरोध नपां भर्त्सना याडा । हलिमय् च्वंपिनिगु मंकःसंस्था संयुक्त राष्ट्र संघया साधारणसभा व सुरक्षा परिषदं विरोध अले भर्त्सना याय्मः दक ध्यानाकर्षण याडा ।

फागुन १६ व १७ गते प्रजग कोरिया व संरा अमेरिकाया दथ्वी भियतनामे जूगु नेकगु शीखर वार्ताखय् प्रजग कोरियां आणविक अस्त्र नष्ट याय्मःगु, अमेरिकी राष्ट्रपति ट्रम्पया एकतर्फी सर्त कोरियाली

प्रायः दीपया समस्या सदांया लागि ब्यंकेगु खःसा सन् १९५०-५३ या कोरिया युद्धया युद्ध विराम सन्धीयाता स्थायी शान्ति सन्धीखय् छ्यलेम । हिलेमः । नपां न्हय्गु दशक (न्हयःदां) हाँनिसें अमेरिकां याड् वयो च्वंगु नाकाबन्दी लिताकाय्मः । संरा अमेरिकां प्रजग कोरियाता नाकाबन्दीखं जूगु अःतकया क्षतिया क्षतिपूर्ति बियमः । नपां दक्षिण कोरियाय् तयो तःपुं अमेरिकी सेना व हतियार (लवाभ) लितायंक प्रजग कोरियाया सुरक्षाया प्रत्याभूति बियमः ।

अमेरिकी राष्ट्रपति ट्रम्पं क्षेत्रप्यास्त्र व आणविक परीक्षणयाय्गु ज्या मदिकतले प्रजग कोरियानपां छुं नं सम्भौता मयाय्गु अले प्रजग कोरियाय् कुटनीतिक नियोगतक मचाय्केगु खाँखय् जिद्दी याय्गु न्यायोचित मजु । थ्व अमेरिकाया अहंकार अले अशिष्टताया पराकाष्ठा खः धाय्गु नेमकिपाया बिचः (मत) खः ।



बिस्का जात्रा स्वपबासी तयगु गौरब खः
थुकियाता तस्कं हाँयपुक अले बांलाक हाने



बिस्का नखा व न्हू दै २०७६ या मिन्तुना

ख्वपया लोकंहवागु बिस्काजात्रा ऐतिहासिक, धार्मिक व साँस्कृतिक महत्वं जःगु नखा खः । च्याचा गुन्हुतक ख्वप दे भः भः धाइकाथं ख्वपयाता दशवी तयो जिल्लाया फुक्क नगरपालिका अले भौँटेया साँगा, श्रीखण्डपुर (खंपु), चौकोट, धौख्यः यँया टोखा साँक्व, यलया थसि, सुनाकोठी नं बिस्का जात्रा डाय्की । थ्वहे चैत्र २७ गते द्यो क्वहँ विज्याडालिं भैलखः लुयो न्ह्याकिगु बिस्का जात्राया इवःले ल्योसिंद्यो थानिगु व क्वथैगु नपां ख्वपया त्वाल्य-त्वाल्य तस्कं हाँयपुक थी थी द्योया जात्रानं याइगु खः । थ्व जात्रा चैत्र २७ सं न्ह्याक बैशाख ५य् क्वचाइगु खः ।

थुगु जात्रा स्वयत्ता ख्वपयत जक मखु देशादेछिया मनूत जकमखु विदेशेनं. अपलं पर्यटकत स्वः वइगु तस्कं लोकंहवागु, नां चले जूगु जात्रा खः। उगु जात्रा याता तस्कं बांलाक, स्वय हाँयपुक सभ्य, भब्य, शान्तिपूर्वक अले मर्यादित ढंगं डाय्केगु भ्नी फुक्कसिया कर्तव्य खः, दायित्व नं. खः ।

जिमिगु इनाप :



- २०७५ चैत्र २७ गते व २०७६ बैशाख ५ गते भैलखः न्हिनेसिया २ बजे साल सन्ध्याइलय् ६ बजे थाते लाकेगु
- भैलखः थःने पाखे बुलबुल हिति, सुकुलढोका तक व क्वने पाखे नासमना तक जक यँकेगु
- भैलखःते भैलनायोपुं, पुजारी, चगुथि लगायत उकि च्वनेमःपुं जक च्वड मेपुं थाहाँ मवानेगु इनाप याडा ।
- जात्रा जुइथाय् थ्वँ ऐला (मादक पदार्थ) त्वड अभद्र व्यवहार याड दियमते

- पुलांगु नगर क्षेत्र जात्राया हुल्य छु नं. (नेपांग्रा व प्य पाङ्ग्रा) सवारी साधन चले याड दियमते ।

(पुनश्चः जात्राया फुक्क लु (दृश्य) सी सी टिभी क्यामेरां खिचेयाड तैगु खाँ सकसितां ब्याक च्वडा ।)

अनुरोधक
ख्वप नगरपालिका

०७२ सालया तःभूखाय

✦ सुरेन्द्रलाल भुजु

बहत्तर साल बैशाख बाह गते
सल्लाह याना च्वना ख्वपया बंशगोपाल सत्तले
बाह बजे जुइत चार मिनेट बाकिबले
सन धरती डिगडिग धायका

सलिंचां यलेथें हासां हाय्थें
चाहिल धरती म्वयम्वय द्याका
वलवल धाल सकलें गयात
प्वाहांवल मनूत हाँफ्वलं वथें

उखें ध्वारर थुखें किररर
धुप्व दन प्यखेरं
दनेत स्वसा दने मफु
ईकुया अथें त्यागरां पुइथे

थां बकया जुरुजार दना
सन थांला भैलखया बेत्ता थें
वाज्या क्वाज्या कुइं कुइं
दुरुस्त भैलख साथें

उखें हाला हल थुखें हाला हल
“ग्वाहाली” थन ल्हात जिपि
ब्वायँब्वायँ जुल परिवारजन ल्हापिं
ख्वख्वं ‘ग्वाहाली’ ‘ग्वाहाली’ धाधां

संकटय मानबताया परिचय बिल
ग्वाहालियात थमं फु थें
बचेयात ल्हापिं लिक्का
थगुहे ज्यान ल्हाते तयासां

न्हू दँ

✦ चन्द्रबहादुर उलक

आसमती तता
न्हयाबलें थें थपालेनं
छँ छखां सुसा-कुसा याना
लसकुश यायेगु मतिं
न्हू दँ यात पियाच्वन, पिखा लखुइ दनाच्वन ।
न्हापा व
न्हयाबलें आसां द्याः
न्हू दँ आसमती पाखे, स्वया मव/स्वहे मस्व
गवलें पलामत न्हू दँ नं वयाग’ पिखालखुइ,
थपाले न्हूगु युग वःगु दु,
न्हू कथं समाज छ्यगु दु,
वयागु नुगः आश्वासनं बिलिबिलि जाःगु दु,
आसमती तता लयूता
पुन्हिया तिमिला थें ।
पाय्छि इलय्
थ्यंक वल न्हू दँ
निभालं खःगु पलेस्वां थें चक्कन
नुगःआसमतीया,
मिखा हे फुति मयासे
आसमतीं स्वया च्वन न्हू दँ,
न्हू दँया पला
आसमति पाखे मन्ह्यात,
म्हग बहःनि तिनि
मन्निया सपथ नम्ह
धनवीर अराया छँ
लुसुक्क दुहाँवन न्हू दँ ।
अले आसमतीं थुइकल-
‘न्हू दँ नं वर्ग तामपा खनि ।’

चि बाखँ

थः कतः

● आशाकुमार चिकंञ्जार

डयदाया बैसे थौ रामबहादुरया स्वकगू इहिया जुयो च्वन । न्हपांम्हा मिसा सीय धुंक लिपा हःम्हा मिसा सम्पत्ति नामे तयो मब्यूगुलिं त्वःत वांगु हल्ला थमनं हे थाय् थासय् याडः च्वनि ।

थौ स्वम्हाम्हा मिसा हःगुया इहिया भव्य थःपासा भाड व थःथिति पिन्ता सःत सःत नक च्वन । अले भ्वे वपुं नपां थःगु पुर्षार्थया खाँ बयबय् याय्गु नं त्वःमत । भःत सिडः याक जीवन हडः च्वंम्हा लक्ष्मी चाय्ता थमनं हेय्क हयागु, कुसंस्कारया विरुद्धय ल्वाडागु, बेसहाराता सहारा बियागु अले अमिगु मतिनाया खाँ कडः च्वन । तर वया हसः काय् त्वःत, वयागु सम्पत्ति लाक हयागु खाँ फांगां तपुथे तपुयो तल ।

लिक्क छँ याय्म्हा कृष्णमायाचाय् पासा लक्ष्मी चा । थःभःत मरुबले थःता सान्त्वना ब्यू ब्यू चुरी तछ्याकगु वया लुमांसे व । थमनं दुःख सियगुला मचाखाचां दुःख सिडकेगु खःला ? भीसं अमिता त्वतः वानेगु मांया धर्म मखु जक बारम्बार न्वाडः च्वंगु खाँ वयाता हे छक लिफ्यनेगु मतिं वम्हा कृष्णमायाचा खाने वं रामबहादुरं बखुंता बाजं भ्रुम्टेयायथे यात । ए अलक्षिणा ! थजगु भिंगु ज्याखे गना मिं पुम्हा (विधवा) वयो साइट स्यंक ब्यूगु । क प्याहाँ हु, ख्वःहे स्वयमत्यो म्हा अलक्षिणी मिसा । मथां प्याहाँ हुँ ।

रामबहादुरया खाँ न्यडः वयो च्वंपुं पाहाँत आताहां जुल ।

स्वप नगरपालिका

नगर कार्यपालिकायागु कार्यालय
ब्यासी, स्वप

स्वप नगरपालिकां अडियो नोटिस सेवा हचिकगुलिं नगरपालिकायागु सूचं व ज्या भ्वः क्वय् च्वयतःगु नम्बरखय् डायल यडः न्यने फँगु खाँ दकौंसिता ब्याक चोडा ।

Audio Notice Number : १६१८०१६६१००९६

चि बाखँ

नये मखांगु जाःभु

● बाबुकाजी सुवाल "विकेश निराशी"

“अब्बा, श्व घाँययागु वासः छु जुडबले नयेगु ?” जडीबुती वासःबाय् च्वाम्हुगु कुकिचाँ क्वाःक्वाः हर्खनारां बाज्यायाके कायेम्हासिनं न्येन ।

“काने मज्यु बाबु । मेपिसं सिलधायेकिं वासःखं ज्या याडमखु हँ । सुंक खुरुखुरु थःगु ज्या जक साँः छंता छाय् माला, पुता ।” हर्खनारां बाज्यां काय् भाजुयाता बछि ब्वःबीयेथे बछि हेयेकेथे धाल । काय्म्हाः नुगः मछिंक ज्या सडःच्वन । हर्खनारां बाज्या नाजःम्हा पुलांम्हा बैद्यराज खः । वया च्यापिति पाखाबारी चिचाःधांगु गुँचा हे दयेकः थी थी जडीबुती वासःबा याडतगु जुल । न्ह्याक्व हे तःधांगु ल्वचं कःपुं मनूतयेता नं लांकेफःम्हा जुगुलिं वयाता सकसिनं हर्खनारां बाज्या धाडगु जुयो च्वना । अथे जुसां नं छु वासः गगु ल्वय् लानिगु धायेगु खाँ थःगु जःलय्यापुडः दुजःतयेता तक नं मकानिम्हा जुयःच्वना ।

छन्हु हर्खनारां बाज्यायाता तःधांगु ल्वचं कलः । अकाभकां बाज्या नुवाये तक नं मफत । वयाता कःगु ल्वय्या वासः बाज्याया मिसा अले काय्पिसं तक नं सिडके मफत । हर्खनारां बाज्या लासाय्सं चतुवाडः च्वन । च्वःखि तक नं वया मिसां व काय्पिसं काय्केमःगु अवस्था वल । आखिर वया काय् व मिसां बाज्यायात बुयो यंकः जुसां नं जडीबुती वासः कायेता वासःबाय् येंकेगु बिचः यात ।

हर्खनारां बाज्यायाता वया काय् व मिसां पालुंमालुं याडः जडीबुतीबाःय् येंकेगु कुतः यात । बल्लंकल्लं वासःबाय् थ्येंके येंकल । तर हर्खनारां बाज्या सिक्किस्त जुयेधुंकल । बुँयां जिलाला लुयां जिलाला बाज्यायाता वासः मायेकेगु कुतः याडः च्वन । बल्लंकल्लं बाज्यां वासः लुडकल । वासः कायेता ल्हाः वायेक वायेक हे बाज्यां प्राण त्वतः वान । वया मिसा व काय्पुं स्वयागु स्वयांतुं जुल । सकलिं नुवाये तक हे मफयो आंताहां दडःच्वन ।

चाँगुनारायण नपा-२, भौखेल, भक्तपुर

स्वप नगरपालिकाया ज्या भवः त

यँ रानीपुखु पुनःनिर्माण उपभोक्ता समितिया प्रतिनिधि मण्डलं नपालाड खँहाबल्हा यात

२०७५ चैत्र १४ गते ।

ख्वप नगरपालिकाया प्रमुख सुनिल प्रजापति नपां यँ रानीपुखु पुनःनिर्माण उपभोक्ता समितिया प्रतिनिधि मण्डलं नपालाड खँहाबल्हा याड दिल ।

ख्वप नपाया प्रमुख सुनिल प्रजापतिजुं नपां यँ महानगरपालिकाया वडा अध्यक्षपुं व रानीपुखु पुनःनिर्माण उपभोक्ता समितिया पदाधिकारीत ख्वप नपा भायो याड द्यूगु खँहाबल्हासं यँया रानीपुखु ल्हवनेगु या लागिं मःगु दक्ष जनशक्ति, परम्परागत सीप व परम्परागत निर्माण सामग्री लगायत मःगु ग्वाहाली याय्ता ख्वप नपा तयार दःगु खँ कड

नगरबासी तय्गु भिमजुइगु सर्त जूगुलिं मकायागु खँ नं. ब्याकदिल ।

उगु नपालाय्गु ज्याइवःखय् ख्वप नपां स्वस्थ व सम्पदा संरक्षणय् बःबियो वयागु, शिक्षा क्षेत्रे शिशु स्याहारनिसें कलेजतक संचालन याड स्थानीय परम्परा ल्यंक तय्गु काथंया संस्कृति, कासा अले थानाया विशिष्ट व्यक्तित्वपुं, सहिदपिनिगु म्हासिइका ख्वपया मौलिक कला, संस्कृति, इतिहास, भूगोलया ज्ञान, थानाया उत्पादन तय्गु विषय तयो स्थानीय पाठ्यक्रम दय्क नगर दुनेया फुक्क स्कूले ब्वंके बियागु, कासाया धिंधिं बल्ला, अले ढ गू तगिंया नगरस्तरीय परीक्षा नगरशिक्षा समिति मार्फत न्ह्याक वयागु नपां जनस्वास्थ्य सञ्चालन, ख्वप अस्पताल दयक च्वडागु खँ ब्याकदिल ।

वयक विकास निर्माण व सम्पदा संरक्षणया ज्या स्थानीय उपभोक्ता समिति व अमानत (ज्यालां) याक च्वडागुलिं भीथाय् हे रोजगार दःगु नपां थःगुया भावनां पिज्वय्क जनतां ज्यासांगु बाँलागु पक्षया खँ कड दिसे चुनावया इलय् नेमकिपां घोषणा-पत्र खय् न्हिथाडा काथं ज्या जूयो च्वंगु खँ ब्याकदिल ।

उगु नपालाय्गु ज्याइवसं यँ महानगरपालिकाया वडाध्यक्ष (१) भरतलाल श्रेष्ठ, वडाध्यक्ष (२७) चिनिया बज्राचार्य, वडाध्यक्ष (२८) भाइराम खत्रीपुं भायो यँया रानीपुखु



दिल । नपां देशे दुनेया सम्पदा संरक्षणे ख्वप नपां फःगु चःगु ग्वाहाली याय्गु मति दःगु अले विदेशी ग्वाहाली स्वयो थःगु हे थासय् स्थानीय तहं आम्दानीया लुखा चाय्क (आत्मनिर्भर) थःगु तुरती थःहे दानेमःगुलि बः बियो दिल । २०७२ सालया तःश्वखाचां स्यंकगु सम्पदात ल्हवनेता जर्मन सरकारया के.एफ.डब्लुं थीथी सर्तत तयो याय् धःगु ग्वाहाली नगर व

पुनःनिर्माणया निंतिं ख्वप नपां मःगु प्रविधि व जनशक्ति छोयोहयो ग्वाहालीया निंतिं आग्रह यासे ख्वप नपां परम्परागत शैलीखं दयक च्वंगु भाज्या पुखुया ज्या स्वः वयागु खँ नं. कडदिल । यँ रानीपुखु पुनःनिर्माण उपभोक्ता समितिया पदाधिकारीपुं नपां ख्वप नपाया वडाध्यक्षपुं श्यामकृष्ण खत्री (१), उकेश कवां (७), महेन्द्र खायमली (८) व रविन्द्र ज्याख्व ज्युपुं नं. उपस्थिति दःगु खः ।

ख्वपय् मिखाया मोतिविन्दुया शल्यक्रिया याय्गु शुरु

२०७५ चैत्र १५ गते

ख्वप नपा व नेपाल आँखा कार्यक्रम तिलगंगा आँखा प्रतिष्ठान नपां मिलेजुयो जिल्ला सामुदायिक आँखा केन्द्रे २०७५ चैत्र १५ गते शुक्रवार निसैं मोतिविन्दुया शल्यक्रिया ज्या सुरुयात उगु ज्याइवःया उलेज्या याडः दिसे नेपाल मजदुर किसान पार्टीया नायो नारायणमान बिजुक्छेंजुं मिखाया फुक्क ल्वयया सेवा थानाहे दःगुलिं लय्ता प्वंकसे गरिबपिसंनं. भिंक बांलाक गुणस्तरीय सेवा काय्गु जुल धायोदिसे मनूया आयूनपां अप्वयोच्वंगु, प्रदुषण मिखाले असर जुइगु खाँ कडः दिसे तिलगंगां देशे विदेशेतक याडः वयोच्वंगु सेवा हानेबहःगु ज्याखः धायो दिल । उगूहे सेवा दांक ख्वपयन्. दैगुलिं लयता प्वंकसे



थ्व गौरबया खाँ खः धायोदिल । तिलगंगा आँखा प्रतिष्ठानया सेवां थानाया मिखाया विरामी पिन्ता ग्वाहाली जुइगु नपां मिखाया ल्वय म्हवः याय्ता प्रदुषण म्हवः याय्मःगु व धू व कुँखं तापाक च्वनेमःगु सल्लाह बियोदिल ।

अथेहे नेमकिपाया छ्याञ्जे, सांसद प्रेम सुवालजुं शिक्षा व स्वास्थ्य क्षेत्रे सरकारं ध्यान मतःगुलिं गरिबपिसं स्वास्थ्य सेवा काय्मफगु खाँ कडः दिल । ख्वपय् दःगु बांलागु स्वास्थ्य सेवां देशादेछीसिनं फाइदा काय् फैगु धायोदिसे ख्वपय् न्ह्याकगु मिखाया शल्यक्रियां अपलं मिखाया रोगी पिनिगु सेवा जुइगु विश्वास प्वंकदिल । प्रदुषणहे अपलं मिखाया ल्वय दैगु जुगुलिं

थ्व पाखे बिचः याय्मःगु धायोदिसें सामुदायिक स्वास्थ्य सेवाता प्रभावकारी ढङ्गं न्ह्याकेफःसा अपलं जनतातय्ता ग्वाहाली जुइगु बिचः प्वंकदिल ।

अथेहे ख्वप नपाया प्रमुख सुनिल प्रजापतिजुं ख्वपय् मिखाया उपचार सेवा २०६३ सालं निसैं न्ह्याक वयोच्वंगु व तिलगंगाय् स्वयो दांक, गुणस्तरीय सेवा नपां शल्यक्रिया नपांया सेवा दैगु खाँ कडः दिल । ख्वप नपां शिक्षा व स्वास्थ्ययाता बःबियो वयो च्वंगु नपां ख्वप नपाया जनतातय्गु ल्वय्या ल्याचा काय्ता छँ छँ वाडः नर्सतय्सं ज्यासाड च्वंगु नपां पाठेघर, मधुमेह, उच्च रक्तचाप, मृगौला परिक्षण, दमखोकी, खै जाँचया शिविर याडः वगु खाँ ब्याकदिल । अः स्वंगू स्वास्थ्यकेन्द्रं सेवायाडः वयो च्वंगुलि ख्वप अस्पताल दय्क देशादेछिया सेवा याय्गु खाँ कडः दिल ।

ख्वप नपाया उपप्रमुख रजनी जोशीजुं ख्वप नपायाता ज्ञानविज्ञानया केन्द्र, सरसफाइया सुचुपिचुगु ख्वप दे नपां सम्पदां जःगु नमूना दय्केगु बिचः प्वंकदिल ।

तिलगंगा आँखा प्रतिष्ठानया कार्यकारी निर्देशक डा. सन्दुक रुइटजुं स्वास्थ्य क्षेत्रे न्हिया न्हिथं अप्वयो च्वंगु चुनौतीया सामना यासें ख्वप अस्पतालं निजी स्वास्थ्य क्षेत्रनपां प्रतिस्पर्धायाडः जनताता गुणस्तरीय सेवा वियमःगु व थः न्ह्याबलें मिखाया विरामी पिनिगु सेवा याय्गुलि तत्पर दः धायोदिल ।

उगु ज्याइवसं ख्वप नपाया वडाध्यक्ष (९) रविन्द्र ज्याख्व, स्ट्याण्डर्ड चार्टर्ड बैंकया प्रमुख दिवाकर पौडेल, जिल्ला सामुदायिक आँखा केन्द्रया प्रमुख धिरज अधिकारीजु पिसंनं. थःगु नुगः खाँ प्वंक दय्गु खः ।

लेन्सया पावर जाँच, मिखाया एक्स-रे, मिखाले लाः जायोवःगु, शल्यक्रिया मिखाफुसी तज्याइगु, मोतिविन्दू बेक्वगु मिखा (यांमिखा) ल्हवनेगु, जलविन्दू, मेसिनं. चस्मा मिखा जाँचे याय्गु सेवा विइगु उगु ज्याइवसं १३० म्हा स्वयो अप्व मिखाया रोगी तय्गु निशुल्क मोतिविन्दुया शल्यक्रिया अनुभवी विशेषज्ञ तय्सं याइगु खाँ नं. ब्याकगु खः ।

स्थानीय लाँजुव तय्ता ब्यूगु पुनर्ताजगी तालिम क्वचाल

२०७५ चैत्र १५ गते

स्थानीय लाँजुव तय्ता ब्यूगु पुनर्ताजगी तालिम ख्वप नगरपालिका व ख्वप पर्यटन विकास समितिया मंकः ग्वसल्य् ब्यूगु खः । उगु ज्या इव खय् ख्वप नपाया प्रमुख सुनिल



प्रजापतिजुं समाज हज्याकेगु खःसा अन्याय व मखुगु खाँ ज्याया विरुद्धय ल्वाय्मःगु उकिया लागिं राजनीतिक खाँ थुइके मःगु खाँ कडु दिसे लाँजुव पिसं सत्यतथ्य पर्यटक पिन्ता बांलाक व्यवहार याडु थगु कर्तव्य थुइक ज्या सानेमःगु खाँ कडु दिल ।

अथेहे उपप्रमुख रजनी जोशीजुं लाँजुवपिसं ख्वपया मूर्त-अमूर्त सम्पदाया सत्यतथ्य खाँ काडु ख्वपया नां तय्मःगु खाँ कडु दिल ।

उगु ज्याइवसं पर्यटन सेवा केन्द्रया प्रमुख गौतम प्रसाद लासिव, ख्वप पर्यटन विकास समितिया कजि रमसुन्दर भेले, वातावरण तथा पर्यटन समितिया कजि वडाध्यक्ष (९) रविन्द्र ज्याख्व नपां प्रशिक्षार्थी रामेश्वर न्यौपाने नपां भ.प.वि.स.या दिपेशराज शर्मा जुपिसंनं. नुगः खाँ कडु द्यूगु खः ।

फिटनेस सामग्रीया उलेज्या जुल

२०७५ चैत्र १६ गते

ख्वप वडा नं. ९सं फिजिकल फिटनेस सामग्री तःथाय् उलेज्या यासं ख्वप नपाया प्रमुख सुनिल प्रजापतिजुं शारीरिक श्रम कम जूसेलिं अनेक ल्वचं कडुगु संभावना यक्व दैगुलिं स्वस्थ नसात्वँसा नपां ब्यायामखय् ध्यान तय्मःगु सल्लाह वियो दिल । नगरबासीतय्ता स्वस्थ दय्केगु मतिं ख्वपया



हिंगुंतुं वडाय् शारीरिक ब्यायामया सामग्रीत तयागु, छँ छँ नर्सिड सेवा याडु देशया चिच्याह्रांगु नगरपालिका जूसां उदाहरणीय ज्या साडु हज्याडु चवंगु खाँ कडु दिल । अथेहे न्हूगु पुस्ताता आयुर्वेदिक उपचार सेवाया खाँकाडु जनचेतना वियमःगु खाँ नं. कडु दिल ।

उगु ज्याइवसं युवा तथा खेलकुद समितिया दुजः वडाध्यक्ष (४) या कुमार चवाल, वडाध्यक्ष (९) रविन्द्र ज्याख्वः, सभा नायो राजेश प्रजापति ९ नं. खेलकुद समितिया न्वकु बाबुकाजी मानन्धर, दिपेन्द्र प्रजापतिपिसं नं. न्वचु बियो द्यूगु खः ।

उगु ज्याइवसं ९ वडाया १०५ दा दःम्ह जेष्ठ नागरिक भीमथकु प्रजापतियाता प्रमुख प्रजापतिजुं दोसल्ला डय्क सम्मान यागु खःसा वडाया कलाकारद्वय भीमप्रसाद प्रजापति व सुरेन्द्र प्रजापतिजु पिन्तानं. मतिनाया चिं लःल्हागु खः। नपां वयक उगु वडाय् जूगु पावर लिफ्टिड कासाय् त्यापिन्ता सिरपा लः ल्हाडु द्यूगु खः ।

सिद्धि गणेश कप न्ह्यात

२०७५ चैत्र १६ गते

ख्वप नपाया प्रमुख सुनिल प्रजापतिजुं पानस च्याक शनिवार सिद्धि गणेशकप २०७५ या उलेज्या याड दिल। उगु ज्याइवसं प्रमुख प्रजापतिजुं कासामिपिसं अनुशासित जुयो थःगु ब्यक्तित्व विकास जुडकाथं म्हेतेमःगु खाँ कड दिल। ख्वप नगर या कासामिपिता क्रियाशील याय्गु मतिं दाय् छगू कासाया धिंधिं बल्ला याडागु, महोश्वरी खेल मैदान सुधार व व्यवस्थापनया

लागिं नक्सा डिजाइन जुय धुंकगु खाँ ब्याकदिल। कासामिपिसं व्यक्तिगत स्वार्थ स्वयो देया इज्जत तय्गु काथं म्हिते मःगुलि बः बियो दिल। उगु ज्याइवःसं वडाध्यक्ष (७) उकेश कवां, अ.ने.फु.संघया न्वकु वीर ब. खड्का, भ.जि. फु. संघया नायो गौतम सुजखु, खेल समितिया सल्लाहकार कृष्णगोविन्द लाखाजु, सिद्धिगणेश खेलकुद समितिया नायो एवं सभाया नायो श्यामकृष्ण लाखाजु लयायतं न्वचु बियो द्युगु खः।



इञ्जिनियरिडया विद्यार्थीपिन्ता लसकुस नपां अभिमुखीकरण ज्याइवः जुल

२०७५ चैत्र १७ गते

ख्वप इञ्जिनियरिड कलेजया ग्वसालय शैक्षिक सत्र २०७५/७६ खय् स्नातक तह अर्थक्वेक, इञ्जिनियरिड व अर्बान डिजाइन एण्ड कन्जरभेसन शैक्षिक कार्यक्रमे भर्ना जूपुं न्हूपुं विद्यार्थीपिन्ता लसकुस ज्याइवः नपां अभिमुखीकरण ज्याइव जुल। उगु ज्याइवसं कलेज ब्यवस्थापन समितिया नायो, ख्वप नपाया प्रमुख सुनिल प्रजापतिजुं न्हूपुं विद्यार्थीत देशया बांलापुं इञ्जिनियर जुयगु मतिं ब्वड देश व जनताया सेवा याय्मःगु खाँ कड दिल।

मनूया सभ्यतानपां स्वाड च्वंगु सम्पदा दुने इतिहास स्वथड च्वनिगुलिं सम्पदा म्वाक तय्मःगु विदेशी पूंजी भीगु देया अर्थतन्त्रे विदेशी लाहातैगु व भी मेपिनिगु तुतिखय्

दानेमालिगु अले भीगु अर्थतन्त्र ध्वस्त जुडगु खाँ ब्याक दिल। वयकलं ख्वप नगरपालिकां सञ्चालन याडः च्वंगु इञ्जिनियरिड कलेजं दांक गुणस्तरीय शिक्षा बियो देशयाय्गु सेवा याड च्वंगु खाँ कड दिल।

अथेहे उपप्रमुख व कलेज सञ्चालक समितिया उपाध्यक्ष रजनी जोशीजुं शिक्षाया नितिं नमूना नगरपालिका धाय्क ज्यायाड वयो च्वंगु नपां मे मेगु ज्याखय्न्। नमूना जुयो ज्यासाड च्वंगु खाँ कडदिल।

उगू ज्याइवसं कलेजया प्राचार्यपुं इ. सुजन माक व ई. सुनिल दुवाल कलेजया उद्देश्य कड द्युगु खःसा प्रा. मोहन मूर्ति पन्त, डा. सुवेगमान विजुकुछें, डा. मन्जिप शाक्यपिसं थःगु नुगः खाँ प्वंक द्युगु खः।

खवप नपायाता भाज्यापुखुया प्रतिवेदन लः ल्हात

२०७५ चैत्र १७ गते आइतबार

खवप नपाया प्रमुख सुनिल प्रजापतिजुयाता भनपा वडा नं. १ स्थित ऐतिहासिक भाज्यापुखु जीर्णोद्धार समितिया कजि प्रा.डा. पुरुषोत्तमलोचन श्रेष्ठजुं आइतबार प्रतिवेदन हस्तान्तरण याड दिल् । उगु ज्या इवसं प्रमुख प्रजापतिजुं भाज्यापुखु उत्खननख्य ग्वाहाली याड द्युपुं सकसिता सुभाय् देछासैं सम्पदा संरक्षणे हज्यागु खवप धाय्क नां कमेयाड च्वंगु खॉ कड दीसे इतिहासनां स्वापु दःगु सम्पदाया अध्ययन अनुसन्धान न्हूगु पुस्ताया नितिं ज्ञानया स्रोत जुडु धायोदिल् । खवप नगरपालिका सर्वाङ्गिका विकासे ध्यान तयो हज्याड च्वंगु खॉ कड दिल् ।

प्रा.डा. पुरुषोत्तमलोचन श्रेष्ठजुं १२औं शताब्दी दय्कगु पुखुया प्रतिवेदन च्वय्ता ग्वाहाली ब्युपुं, इतिहासविद्, संरक्षणविद्, जनप्रतिनिधि, नपाया शाखा प्रमुखपुं नपां थी थी लागाया सरोकारवालापिनि पाखें ब्युगु रचनात्मक सुभावा व

टिप्पणी दुथ्याक तयार याडागु खॉ कड दिल् । इतिहास विज्ञान सम्मत जुडुगुलिं भाज्यापुखु यँया रानीपुखु स्वयो डासदा पुलांजुगु, पुखु दथ्वीया देगः शिखरशैली व उगु देगःले जलेश्वर महाद्यो दःगु प्रमाणित जूगु खॉ कड दिल् । थुगु अध्ययनं खवपया इतिहासे छगू महत्वपूर्ण पक्ष सिय्दःगु नपां विभिन्न कालखण्डे उगु पुखु ल्हवनेगु ज्या जूगु नं अनुसन्धानं क्यंगु दः ।

२०७५-४-२९ गते च्वंगु खवप नपाया बोर्ड बैठकं प्रा.डा. पुरुषोत्तमलोचन श्रेष्ठया कजिलय् दरबार हेरचाह तथा स्मारक संरक्षण कार्यालयया प्रमुख मेहनसिंह लामा, राष्ट्रिय कला संग्रहालयया प्रमुख सरस्वती सिंह, इतिहासविद् प्रा. विश्वमोहन जोशी, सम्पदा शाखापाखें सूर्यभक्त खर्बुजा व भनपा सम्पदा शाखा प्रमुख आ.ई. रामगोविन्द श्रेष्ठ, दुजः दःगु समिति गठन जूगु खः । न्ह्यला बिक दय्कगु उगु प्रतिवेदन नपां भाज्यापुखु ल्हवनेगु ज्यानं हज्याकगु खॉ नगरपालिका श्रोतं जानकारी ब्युगु खः ।

मुख्यमन्त्री-जनता स्वास्थ्य परीक्षण ज्याइवसम्बन्धी अभिमुखीकरण



२०७५ चैत्र २५ गते । सामाजिक विकास मन्त्रालय प्रदेश नं. ३ या ग्वासालय सोमबार मुख्यमन्त्री-जनता स्वास्थ्य परीक्षण ज्याइवसं खवप नपाया प्रमुख सुनिल प्रजापति, उपप्रमुख रजनी जोशी व हिगुंतु वडाया वडाध्यक्ष, जनप्रतिनिधिपुं, वडा सचिव पिन्ता सामाजिक विकास मन्त्रालय या प्रतिनिधिपिसं प्रस्तुतीकरण क्यड क्वचाय्कल ।

ख्वप कलेजया ग्वासालय् द एकेडेमी बुलेटीनया अन्तरक्रिया क्वचाल

२०७५ चैत्र १८ गते सोमबार ।

“छुं नं. विषयता सुक्ष्म अले गहनढंगं अध्ययन याय् मः । “सर्वहारावर्गया हुकुम” कार्लमार्क्सया राजनीतिशास्त्रखय् तहांगु योगदान खः । ज्यासाड नैपुं ज्यापु ज्यामी तय्सं हे पूंजीवादी व्यवस्थाया हाँग लिड समाजवाद निस्वानी ।” – नारायणमान बिजुक्छें ।

ख्वप कलेज व शारदा क्याम्पसया ग्वासालय् प्राध्यापक समाजया पिकाक “द एकेडेमी” बुलेटिनया अन्तरक्रियासं का.रोहितजुं उगु विचः प्वंक द्यूगु खः । वयकलं ज्यापु ज्यामी तय्यु श्रम शोषणयाड लबः नडपुं लबसीं तयसं अतिरिक्त मूल्य ज्यामीतय्यु श्रम खुयो कःगु खः । भ्रष्टाचारयाड हे विश्वविद्यालयया गुणस्तर म्हवः जुयो वांगुलि होस याय् मःगु



खाँखय् बः ब्यूसें ख्वप नपा पाखें न्ह्याकतःगु कलेजत भ्रष्ट प्रवृत्तिं तापाक च्वनेमःगु, पूंजीपति तय्यु दथ्वी लबः या लागिं जाली ज्यात याडगु, अजगु लागाय् धिंधिं बल्लाहे याड अस्वस्थ प्रतिस्पर्धा याडगु खाँ ब्याक दिल ।

भीगी दे नेपः याता विस्तारवादी भारत लाक काय्यु मति म्हेग नं. दःगु खः थौं नं. दःनि । नेपःया च्वय च्वयया गुलिनं. कर्मचारीत भारतीय विस्तारवादया महाजालय् लडच्वंगु दः । अमिसं मचायक नेपःया विरुद्धय ज्यासाड च्वंगु देशभक्त नेपाली नागरिक तय्सं थू । विरगञ्जया सुख्खा बन्दरगाह, भारतीय वाणिज्य दूतावासया कार्यालय व लुम्बिनी दय्क

च्वंगु अन्तर्राष्ट्रिय विमानस्थल भारतीय विस्तारवादया स्वार्थ काथं दयक च्वंगुलिं उकिं नेपः याता स्वयो अप्वः भारतता फाइदा जुइगु खाँ वयकं ब्याक दिल । प्रधानमन्त्री ठगै ठगतय् दथ्वी लाड च्वंगु, सरकारं न्ह्याकातं जूसां भारतीय एकाधिकार पूंजीता घ्वासा वियगु ज्या याड च्वंगु संसदे बय् बय् जूगु खाँ रोहितजुं कड दिल । सैद्धान्तिक व व्यवहारिक न्हूगु पुस्ता तयार याय् मःगु थौंया आवश्यकता खः धायो दिसें स्कूल व कलेजं देश व जनताया सेवाखय् समर्पित जुइपुं ल्यासे ल्याम्हो त तयार याय्यु मतिं ज्यासानेम, उकिया लागिं मास्तरतयसिं मेहनत याय्म धायोदिल ।

विद्यालय/कलेज सञ्चालक समितिया नाथो अले ख्वप नगरपालिकाया प्रमुख सुनिल प्रजापतिजुं बौद्धिक मनूत राजनीतिड वय्मःगु इमान्दारपुं मनूतय्सं राजनीति मयात धःसा मुख, बेइमान व भ्रष्टाचारी मनूतय्यु लाहातय् सत्ता वानिगु गुकिं देश व जनतां दुःख सिइगु जुगुलीं समाजया प्रबुद्ध वर्ग देश व ज्यासाड नैपुं ज्यापु ज्यामिया सेवा याय्यु आजु तयो राजनीति याय्मःगु खाँ कड दिल । शिक्षा व स्वास्थ्यया जिम्मा देशं काय्मःगु खः । ख्वप नगरपालिकां अजगु हे मतिं कलेज व जनस्वास्थ्य संस्था न्ह्याकच्वंगु खः । गुगु संस्थात देशे छगू नमूना काथं चर्चा जुयो च्वंगु दः । ख्वप नपां चाय्किगु ख्वप विश्वविद्यालयं अपलं अपः जनताया सेवा याडगु खाँ वयकलं धायोदिल ।

भीगी दे नवउदारवादया जाले लड च्वंगु दः । विदेशी तय्यु काथं छिनिगु काथं कानुनत संसोधन याड च्वंगु दः । नेपःया प्राकृतिक स्रोत व साधन छपला छफलायाड साम्राज्यवादी तय्सं लाक कायोच्वंगु दः । थुजगु खाँखे जनता तय्यु सचेत यायां देशया सार्वभौमिकता ल्यंक तय्यु शिक्षकपिसं बांलाक भूमिका म्हेते मःगु खाँ वयकं धायोदिल ।

उगु ज्याइवसं ख्वप मा.वि.या प्राचार्य प्रकाशकुमार श्रेष्ठ, ख्वप कलेजया उपप्राचार्य राजेश कुमार श्रेष्ठ, विष्णु प्रसाद किसी, कमिनिका न्याइच्याइ, मिरा प्रजापति, जनकराज दास, प्रतिभा श्रेष्ठ, गोकर्ण दुलाल, उमाभट्ट पिसनं बुलेटिनबारे थःगु धारणा प्वंक द्यूगु खः ।

चोछें मरुचा फल्चा उलेज्या

२०७५ चैत्र १९ गते

ख्वप नपाया प्रमुख सुनिल प्रजापतिजुं भनपा वडा नं. ६ चोछेंया मरुचा फल्चाया उलेज्या याड दिल। उगु ज्याइवसं



वयकं विदेशी संघसंस्थाया भरेमखु थःगु हे पौरखं देश विकास

याय्मःगु विचः प्वंक दिल। ख्वपे मेगु थासय् स्वयो सम्पदा पुनःनिर्माणया ज्या अपलं जुयो च्वंगु गुगु ज्या भीगु मौलिक शैलीं हे जुयो च्वंगु खाँ ब्याक दिल।

उगु ज्याइव सं वडाध्यक्ष (६) हरिराम सुवालजुं अमानतं (ज्यालां) उपभोक्ता समिति मार्फत दांक भिंक ज्या याय् फैगुलिं उगु काथं ज्या याक च्वडागु खाँ ब्याक दिल।

उगु ज्या इवसं कार्यपालिका सदस्य रोशनमैया सुवाल, वडासदस्यपुं गोबिन्द दुवाल, सिद्धिराम अवाल, शिक्षक गणेशराम सुवालजु पिसं न्वचु वियो द्यूगु खः। उपभोक्ता समितिया नायो तुल्सीनारायण सुवालजुं ६०० दा पुलांगु उगु फल्चाय् च्वंगु पुलांपु द्यो (मूर्ति) सुरक्षित याय् मःगु खाँ कड दिल। उगु फल्चा ल्हवनेता मुक्कं १७ लाख ६८ हजार

८ सय ६२ दां तुइगु खाँ कड दिल।

बिस्काजात्रा व्यवस्थित याय्ता मुंज्या

२०७५ चैत्र १९ गते मंगलबार।

ख्वपया ऐतिहासिक बिस्काजात्रा व्यवस्थित अले शान्तिपूर्वक क्वचाय्केगु मतिं ख्वप नपां भनपा वडा नं. ४,५ या टीम, क्लब, पुस्तकालय, वाचनालय, सहकारी व संघसंस्थाया प्रतिनिधिपुं मुंक छगू (भेला) मुंज्या यात।

उगु मुंज्याखय् ख्वप नपा प्रमुख सुनिल प्रजापतिजुं इलय् हे जात्रा याड इलय् हे क्वचाय्के दःसा सम्भावित दूर्घटनात म्हवः जुइगु खाँ कड दिल। ख्वपया थुगु ऐतिहासिक जात्रा बांलाक, सभ्य व व्यवस्थित काथं क्वचाय्के फःसा ख्वप दे जक

मखु भीगु देश याय्गु हे इज्जत, प्रतिष्ठा दैगुलिं ल्यासे ल्याम्हो पिसं विशेष ध्यान तयो ज्या सानेमःगु जनचेतना ज्याइवःत यायां भीगु जात्रा, कला संस्कृति ल्यंकतय् मःगु खाँ कड दिल।

उगु ज्याइवसं वडाध्यक्ष (४) कुमार चवालजुं विजुली, मता, थाय् थासे तयो उच्छृङ्खल ज्या सानिपिन्ता सजाय याय्मःगु खाँ कड दिल। थी थी व्यक्ति पिसं थःथःगु विचः प्वंक द्यूगु उगु ज्याइवसं गुठि संस्थान ख्वपया प्रमुख हरि सुवेदी वडाध्यक्ष (९) रविन्द्र ज्याख्वजुं नं. थःथःगथु विचः प्वंकद्यूगु खः।

व्यवसायीपुं नपां छगू मुंज्या

२०७५ चैत्र १८ गते

ख्वप नपाया ग्वसालय् तःमाही, दत्तात्रय, लाय्कुया स्थानीय व व्यवसायीपुं नपां छगू मुंज्या जुल। उगु मुंज्या ख्वपे पर्यटन व्यवसाय बांलाकेया निंतिं याय्मःगु ज्याया सल्हा वियो द्यूपुं पर्यटन सेवा केन्द्रया अध्यक्ष रामसुन्दर भेले, भक्तपुर उद्योग वाणिज्य संघ, पर्यटन विकासया संयोजक चुडामणि कायष्ठ, स्थानीय व्यवसायी दिनेश बाबु हाडाजुं पुं खः। उगु ज्याइव वडाध्यक्ष (५) प्रेमगोपाल कर्माचार्यजुं याड द्यूगु खः।

अथेहे ख्वप नगरपालिका वातावरण तथा पर्यटन समितिया ग्वसायलय हाते ब्यापारी पिनिगु छगू मुंज्या याड पर्यटन विकासया निंतिं फुक्क थासं ग्वाहाली याय्मःगु खाँ क्वछित। उगु ज्याइवसं ख्वप नपाया उपप्रमुख रजनी जोशीजुं पर्यटन पाखं जूइगु आम्दानी नगरबासी पिनिगु हितखय् खर्च जुइगु नपां नेपाली जनताया आर्थिक, सामाजिक व शैक्षिक विकासया निम्ति खर्च जुइगुलिं भव्य नगरया सभ्य नागरिक काथं म्हासिइके विय मः दक ब्यापारी पिन्ता सुभावा वियोदिल।

ज्ञानबहादुर न्याइच्याई स्मृतिसभा



२०७५ चैत्र १२ गते

गणेश मावि भार्वाचोया ग्वसालय् विद्यालय संस्थापक, किसान नेता ज्ञानबहादुर न्याइच्याईया च्याकगु स्मृति सभा जुल । उगु सभासं नेमकिपाया केन्द्रीय सदस्य नपां खप नपाया प्रमुख सुनिल प्रजापतिजुं व्यक्ति स्वयो व्यक्तिं ज्वंगु बिचः व आचरण तहानिगु खाँ कडु दिसे ज्ञानबहादुर न्याइच्याई व्यक्ति मखुसं पार्टीया बिचः व नीतियाता कार्यान्वयन याइम्हा अभियनता खः धायो दिल । वयकलगायत उब्लेया पार्टी कार्यकर्ता व जनप्रतिनिधिपिसं खपयाता शिक्षा, स्वास्थ्य, सर सफाइ व कासाया लागाय् बलागु जग तयोद्यूगुलिं अः वहे जःगय् भीसं तल्ला तडु च्वडागु खः । पुलांगु अनुभवं अः

अपुगु परिस्थिति दयो वगु खः धायो दिसे बन्हीया रात्रीकक्षा व साक्षरता कक्षां न्ह्याकगु शैक्षिक जागरण थौं कलेजतक थेंगु खाँ वयकलं ब्याक दिल । उकिं अग्रज पिनिगु जीवनी स्थानीय पाठ्यक्रमे थ्याकागु नपां न्हूगु पुस्तां पुलांगु पुस्ताया ज्या स्वयो नुगःले दांक प्रेरणा काय्म धायो दिल ।

उगु ज्या भूवसं नेक्राकिसंघया न्वकु गोविन्द दुवाल, भनस अध्यक्ष नारायणबहादुर दुवाल, वडाध्यक्ष (१) श्यामकृष्ण खत्री नपां वि.व्य.स. या नायो रविन्द्र खर्बुजाया सभानायोलय् क्वचगुउगु सभाय् लक्ष्मीनारायण राजलवट, लक्ष्मीभक्त खत्री, रमेश न्याइच्याई व गणेशराम थुसापिसं थःथःगु नुगः खाँ प्वंक द्यूगु खः ।

बांलापुं मास्टर तयसिंजक बांलापु विद्यार्थीत ब्वलांकी- प्रमुख प्रजापति

२०७५ चैत्र २४ गते ।

शान्ति निकेतन मा.वि. राममन्दिरया ४९ गू बुदिया उलेज्या यासे मूपाहां प्रमुख सुनिल प्रजापतिजुं सामुदायिक स्कूलं स्तरोन्नति याडु बांलापु मास्टर तयसं बांलापु विद्यार्थीत ब्वलांक सही राजनीति याय्ता प्रेरित याय्मः धायोदिल ।

खप विश्व विद्यालय दय्क म्हवः जक शुल्क कायो उच्च शिक्षा विय्गु, श्रमनपां स्वापु दैःगु शिक्षा वियो योग्य नागरिक दय्केगु खप नपाया आजु खः धायोदिसे

लाहातय् ज्या दपुं गुब्लें छांलाइ मुख धायोदिल ।

उगु ज्या इवसं विद्यालय व्यवस्थापन समितिया अध्यक्ष वडाध्यक्ष (४) कुमार चवाल, शान्ति निकेतन मा.वि.या प्र.अ. महेन्द्र गोपाल कर्माचार्य, वि.व्य.स.या दुजः मीनालक्ष्मी प्रजापति व निवर्तमान अध्यक्ष पवनकुमार बल्ल पिसनं नुगः खाँ प्वंक द्यूगु खः ।

मू पाहाँ प्रजापतिजुं शान्ति निकेतन बुलेटीनया (बिमोचन) चिखीफ्यने ज्या नपां उत्कृष्ट मास्टर व विद्यार्थीपिन्ता सम्मान पत्र लःल्हाडु दिल ।

वागीश्वरी कलेजया हिंछकगू वार्षिक उत्सवया लसताय प्रशिक्षण नपां शुभाय् देछाय्गु ज्या जुलः



२०७५ चैत्र २३ गते

वागीश्वरी मा.वि.या हिराबुदि व वागीश्वरी कलेजया ११कगू बुदिया लसताय सिन्धुपाल्चोकया चौताराय् प्रशिक्षण ज्याइवः नपां सुभाय देछाय्गु ज्याइवः क्वचाल । उगु ज्याइवसं मूपाहां नेपाल मजदुर किसान पार्टीया नायो नारायणमान विजुकछे (रोहित) जुं २१ औं शताब्दी धिधिं बल्ला याय् फःपुं विद्यार्थीत तयार याय्मःगु खाँ कड दिल् । ख्वप दे याता नेपः दे याय् हे शैक्षिक गन्तव्य दय्केगु कुतः जुयाच्वंगु खाँ कड दिसें ब्वनामिपिन्ता साफू दुनेया कोर्सेजक कुड मतसिं देया थी थी विषय नपां समसामयिक विषयनं शिक्षक पिसं कानेमः धायोदिल् ।

ब्यापारी तय्सं धेबायाता महत्व विइसा मास्टर तय्सं समाजया ख्वः हिलेता जगः तय्गु ज्या याय्म धायोदिल् । देशे दुने भीसी, राजदूत नपां मुख्य-मुख्य पद भागवण्डाय इड कःगुलिं अजपिनिगु राजनीतिं देश बर्वादी पाखे न्ह्याड वड च्वंगु दः । प्रतिपक्षं छाया सरकारं याय् मःगु थःगु कर्तव्य मथुयो थःहे भागवण्डाखय् लाड च्वंगुलिं नं स्यड च्वंगु खाँ कड दिल् ।

अथेहे नेमकिपाया केन्द्रीय दुजः वागीश्वरी कलेज व्यवस्थापन समितिया नायो सुनिल प्रजापतिजुं मेपिसं मयागु ज्या वागीश्वरी कलेजं याड वगु नपां शिक्षाया माध्यमं समाज परिवर्तन याय्गु कुतः याड च्वंगु खाँ कड दिल् । वयकलं सरकारी, सहकारी व निजी स्वंगू लागाय्तुं विदेशी गाजलं

दायो सड्कट वगु खाँ कड दिल् । वयकलं नेपालं गुलिनं विधेयक पारित याइ व फुक्क विदेशीता ज्या छिनिकाथं याइगु खाँ नेपाल लागनी सम्मेलनं विदेशी लगानी याकेतांगु ज्या खं सिय् दः । नेपःया लगानीकर्ता तय्ता विदेशी लगानीकर्ता तय्ताथें सुविधा विय्गु खःसा अपलं समस्या ज्यनिगु खाँ स्पष्ट जु धायो दिल् ।

अथेहे पाहाँ, प्रदेश सभाया सांसद सुरेन्द्रराज गोसाइँजुं ज्यासाड नैपुं ज्यापु ज्यामिया काय् म्हायपिन्ता शासन सत्ताखय् येंकेगु नेमकिपाया आजु काथं वागीश्वरी ज्यासाड च्वंगु खाँ कड दिसे आमूल परिवर्तन भीगु आजु जगुलिं वहेकाथं वागीश्वरी ज्यासांगु खः धायोदिल् ।



अथेहे पाहाँ प्रदेश नं. ३ या सांसद सृजना सैजुं विदेशी लगानी भीगु प्राकृतिक सम्पदा विदेशीं लाहातय् काइगु खाँ मथुम्हा सरकारं विदेशी लगानीं समृद्धी वइगु मचापहः क्यड च्वंगु दः ।

कुमिचां सिं भ्वाभयाथें भ्रष्टाचारं देश हे भ्वाभव याड च्वंगुया दसु ९७ ब्वः ज्या सिधल धःगु मेलम्ची खानेपानी आयोजना बीचय्सं त्वःत वांगुलिं सिइके फः धायोदिल् । विद्यालय व्यवस्थापन समितिया नायो रबिन्द्र ज्याख्वयया सभा नायोलय् जगु उगु सभा खय् स्कूलया प्र.अ. कृष्णप्रसाद धन्छा, सहायक प्र.अ. ज्ञानसागर प्रजापति व शिक्षक राजन लाखापिसंनं न्वचु बियो द्यगु खः ।

व्यक्तियाता स्वयो समाजयाता हे हज्याके मः - प्रमुख सुनिल प्रजापति

२०७५ चैत्र २५ गते

समाज सुधार मा.वि. या ४८ कगू बुदिया लसताय ज्याइवःया उलेज्या यासैं ख्वप नपाया प्रमुख सुनिल प्रजापतिजुं विद्यार्थीपिन्ता किताबी ज्ञान नपां देशया भूगोल, कला, संस्कृति, इतिहास व राजनीति ज्ञाननं वियो ब्यक्तियाता स्वयो फुक्क समाजयाता हज्याकेगु मतिं ज्यासानेमःगु खाँ कडदिल ।

वयकलं ख्वप नपां म्हव जक ब्याजकायो ५ लाख तका दां शैक्षिक ऋणया व्यवस्था व इतिहास, भूगोल, राजनीतिशास्त्र लगायतया विषय ब्वनिपिन्ता छात्रवृत्ति दःगु खाँ ब्याकदिल ।

प्रदेश ३ या साँसद सुरेन्द्रराज गोसाईंजुं सार्वजनिक विद्यालय शैक्षिक गुणस्तर, विद्यार्थी पिनिगु सैद्धान्तिक स्तर व व्यक्तित्व विकास यायूता मास्तरत प्रतिबद्ध जुयमः धायोदिल ।

उगु ज्या इवःसं वडाध्यक्ष (८) महेन्द्र खायमली सेवा निवृत्त शिक्षक राम प्रजापति, शिक्षक जगन्नाथ प्रजापति नपां प्र.अ. लक्ष्मीनारायण दुवालजु पिसं न्वचु वियोद्यूगु खः । मू पाहाँ प्रजापतिजुं सेवा निवृत्त शिक्षकपुं राम प्रजापति व सुरेन्द्रमान वासिंछ्याकजू पिन्ता दोसल्ला डयूक सम्मान याड दिल । नपां २०७४ या एसईई पास जूपुं विद्यार्थी पिन्ता पदक बियोदिल ।

भीगु तःजि लजि भीगु नखा भीसं तःजिक हाने

२०७५ चैत्र २५

ख्वप नपा वडा नं. १० या ग्वसालय् जूगु वडावासीत व सामुदायिक वडा प्रहरी नपां साभेदारी सम्बन्धी अभिमुखीकरण ज्याइवसं ख्वप नपा प्रमुख सुनिल प्रजापतिजुं लोकंहवागु बिस्काजात्रा इलय हे न्ह्याक इलय हे क्वचाय्के दःसा बांलाइगु, कानूनया अखः ज्या याइपुं न्ह्याथायनं) सजायं जुइगुलिं अजगु ज्या मयायूता सल्लाह बियोदिल ।

भीगु नखा, भीगु जात्रा तःजिक हानेता दण्ड-

सजायं जक मखु जनतातहे सचेत जुयमःगुलिं जनता विना वर्दीया प्रहरी खः धायो दिल । पुलांगु मूर्ति त खुयो यंकिगुलि सम्बन्धित निकायतसिं ध्यान बियमःगुलि बः बियो दिल ।

उगु ज्याइवसं वडाध्यक्ष १० या लक्ष्मीप्रसाद ह्यौमिखाजुं ख्वप नगरता सुविधासम्पन्न नगर दयूकेगु, पर्यटकीय केन्द्रया काथं विकास यायूगु, प्रहरीनपां सहकार्य याड शान्तिसुरक्षा यायूगु खाँ कड दिल ।



२०७५ चैत्र २६ गते ।

ख्वप नगरपालिकाया प्रमुख सुनिल प्रजापतिजुं मंगलबार ख्वप नपा शिक्षा शाखाया शिक्षा अधिकृत मेघनाथ रिमालज्यू याता तक्वातपुली पुइक विदाइ बियो दिल ।

वागीश्वरी मा.वि./कलेजे अनुसन्धान विषयले स्वन्तुया तालिम सुरुजुल



२०७५ चैत्र २६ गते मंगलबार

वागीश्वरी कलेजया ग्वसालय् विश्वविद्यालय अनुदान आयोगया ग्वाहालीख्य ३ न्ह्या 'Research Based Writing and Publication' या तालिमया उलेज्या मूपाहां नेपाल मजदुर किसान पार्टीया नायो नारायणमान विजुकछेंजुं याड दिसें सारा विश्वया जनताया सेवा याड वापुं चिन्तक पिन्सं यागु थी थी अनुसन्धान (मालेज्या) या बारे काड दिसे मास्टर तयसं याडगु अनुसन्धानया विषय अपलं ज्यासाड नडपुं ज्यापु ज्यामितयगु भिंजुडगुलि यायमः धायोदिल ।

कम्प्युनिष्ट घोषणा-पत्रया छगू-छगू खाँपु (वाक्य) खय् नं. अपलं साफूत पिथांगु खाँ कड वयकलं अन्तर्राष्ट्रिय

ख्वपे दकले बांलागु शिक्षा बिय समाजता व्यवस्थित ढंगं हछ्याड यंकेगु

२०७५ चैत्र २६ गते मंगलबार

ख्वप नपाया प्रमुख सुनिल प्रजापतिजुं ख्वपे दकले बांलागु शिक्षाबीच समाजता व्यवस्थित ढंगं हछ्याड यंकेगु बिचः प्वंक दिल । उगु विचः वयकलं साइनिङ्ग स्टुडेन्ट्स एकेडेमीया The Shining Hero of the Year 2075 सिरपा लःल्हाय्गु व साँस्कृतिक ब्वः ज्या या उलेज्याखय् प्वंक द्युगु खः । वयकलं गगु देशे शिक्षा व्यवस्था बांलाइ उगु देश

राजनीतिक आन्दोलन विभिन्न विद्वानपिसं याड द्युगु अनुसन्धानया लिच्च खः धायो दिल ।

विशेष पाहां ख्वप नपाया प्रमुख नपां क.व्य.स.या अध्यक्ष सुनिल प्रजापतिजुं नेमकिपाया आत्मनिर्भरता (थःगु तुती थःहे दानेमःगु) या सिद्धान्त कडदिसे वागीश्वरी धेबाया निंतिं गुब्लें ज्यामसांगु खाँ नं. कड दिल ।

देशया दकले थाकालिम्हा त्रिभुवन विश्वविद्यालय अनुसन्धाने जम्मा ७ प्रतिशत बजेट जक तयो तःगुलि असन्तुष्ट प्वंकदिसें देश व देशबासीतयगु भिं सोचेयाड ज्या साने मःगु विश्वविद्यालयं विश्व बैंक व

एशियाली विकास बैंक लगायत साम्राज्यवादी तयगु ज्याभःजुयो वड चवंगु गलत खः धायोदिल । तालिम भःपुं शिक्षकपुं २१ औं शताब्दी धिं धिं बल्ला याय् फःपुं विद्यार्थीत पिकाय्गु मतिं ज्या सानिपुं जुयमः धायोदिल ।

उगू ज्याइवः वागीश्वरी अनुसन्धान व्यवस्थापन विभाग (RMC) या कजि डा. सिद्धिवीर कर्माचार्यया नायोलय जुगु खः । गुकि कलेजया प्रचार्य धनकुमार श्रेष्ठ, वागीश्वरी मा.वि.या प्र.अ. कृष्णप्रसाद धन्छा, सहायक प्र.अ. ज्ञानसागर प्रजापति व शिक्षक राजन चौगुठीजु पिसं न्वचु वियो द्युगु खः ।

मेपुं स्वयो हज्याइगु जुगुलिं ख्वप नपां शिक्षा क्षेत्रे लाहा तयागु नपां छगू व खुगू तगिंखय् स्थानीय पाठ्यक्रम ब्वंके बियागु व थीथी विदेशी भाय्या तालिम बियागु खाँ कड दिल ।

उगु ज्याइवसं वडाध्यक्ष (४) कुमार चवाल, प्र.अ. र बिन छुस्याकीजुनं न्वचु वियो द्युगु खः । ज्याइवले मूपाहाँ प्रजापतिजुं उत्कृष्ट विद्यार्थी पिन्ता सिरपा लःल्हाड द्युगु खः ।

ख्वपया लोकंहवागु बिस्का जात्रा बांलाक हानेता नागरिक सचेतना जनसभा



२०७५ चैत्र २७ गते बुधवार

ख्वपया लोकंहवागु बिस्काजात्रा बुद्धबारनिसैं सुरु जुल । दाँय दाँय पतिकं च्याचा गुन्हुतक थव जात्रा डायकी । बिस्कानखा बांलाक हानेता थौं सुथाय् ख्वपया दत्तात्रयं जनचेतना ज्याली न्ह्याक इनाचो, साकोथा, लाय्कु, इटाछें, बंशगोपाल, नासमना जुयो तःमाही सभायाड क्वचाय्कल ।

उगु सभाखय् ख्वप नपाया प्रमुख सुनिल प्रजापतिजुं ख्वपया साँस्कृतिक सुन्दरता ल्यंक तय्ता अले भीगु म्हासिडका म्वाक तय्ता ख्वपया लोकं हवागु बिस्काजात्राता छगू बांलागु अवसर काथं छ्यल जात्राता शान्तिपूर्ण रुपं न्ह्याकेता इनाप याड दिल । बिस्का जात्राता अभ्क सभ्य, भब्य, शान्तिपूर्वक व मर्यादित काथं डायक पर्यटकतय् दश्वी अपलं प्रचार याड

पर्यटकत दुकाय्ता सरोकारवाला फुक्क सिनं. इमान्दारीपूर्वक भूमिका म्हेतेमःगु नपां थव भीगु फुक्कसिया कर्तव्य नं. खः धायोदिल ।

नखाबले स्वस्थबद्धक खानपान व सरसफाइखे ध्यान तयो विश्वसम्पदा सूचीखय् नां जायो च्वंगु ख्वपया बिस्का जात्राता मर्यादित याय् फःसा भीगु इज्जत बढे जुइगु खाँन वयकं कड दिल ।

ख्वपया प्रजिअ नारायण प्रसाद भट्टजुं म्वः मरुगु ज्या सानिपिन्ता कार्वाही याय्गु खाँ कड दिसैं ख्वपया बिस्का जात्रा भीगु पहिचान जूगुलिं बांलाक हानेता अनुरोध याड दिल ।

वडाध्यक्ष (९) रविन्द्र ज्याख्वं सवारी साधन जात्राबले चले मयाय्ता, जथाभावी मोटर, मोटरसाइकल पार्किङ मयाय्ता इनाप याड दिल ।

वडाध्यक्ष (४) कुमार चवालं भैलखतय् म्व मरुपुं मनु मगाय्ता नपां मादक पदार्थ त्वड जथाभावी मजुय्ता इनाप याड दिल ।

उगु ज्याइवसं प्रहरी उपरिक्षक हिमाल कुमार श्रेष्ठ, गुठी संस्थान प्रमुख हरि सुवेदीजुं नुगः खाँ प्वंक द्यूगु खः ।

उगु ज्याली सं १०गू वडाया वडाध्यक्षपुं जनप्रतिनिधिपुं कर्मचारी, दाफा भजन, टीम-क्लब, स्कूल, कलेज, सहकारी संस्था लगायतया थी थी संस्थाया प्रतिनिधित भःगु खः ।



बिस्का जात्रा बांलाक हानेता तःमाही जुगु नागरिक सचेतना जनसभाया किपातः



सुनिल प्रजापति



नारायणप्रसाद भट्ट



रतिन्द्र ज्यास्व



कुमार ववाल



हिमालयकुमार श्रेष्ठ



हरि सुवेदी

